

國方志叢書·華中地方·

據

清·陳蘭森等修
乾隆五十七年刊本

江苏工业学院图书馆
藏書章

影印

江 西 省

南昌府志



成文出版社有限公司印行

南昌府志卷六十

人物 三 忠義二

明

劉綎字省吾南昌人都督顯子勇敢有父風用廕爲指揮使萬厯初從顯討九絲蠻先登擒其酋阿大以功遷雲南迤東守備改南京小教場坐營十年冬緬甸犯永昌騰越巡撫劉世曾請濟師明年春擢綎遊擊將軍署騰衝守備事緬甸去雲南遠自其酋莽瑞體以兵服諸番勢遂強數擾邊境江西人岳鳳者商隴川驍桀多智爲宜撫多士寧記室士寧妻以妹鳳誘士寧往見瑞體潛與子襄烏酖殺

之并殺其妻子奪金牌印符受瑞體僞命代士寧爲宣撫
瑞體死子應裏嗣鳳結耿馬賊罕虔南甸土舍刀落參芒
市土舍放正堂與應裏從父猛別弟阿瓦等各率象兵數
十萬攻雷弄蓋達干崖南甸木邦老姚思甸諸處殺掠無
算窺騰越永昌大理蒙化景東鎮沅元江已陷順寧破蓋
達又令曩烏引緬兵突猛淋指揮吳繼勲等戰死鄧川土
官知州何鈺鳳僚壻也使使招之鳳繫獻應裏當是時車
里八百孟養木邦孟艮孟密蠻莫皆以兵助賊賊勢益盛
黔國公沐昌祚聞警移駐洱海巡撫劉世曾亦移楚雄大
徵漢土軍數萬令叅政趙睿壁蒙化副使胡心得壁騰衝

陸通霄壁趙州僉事楊際熙壁永昌與監軍副使傅寵江
忻督叅將胡大賓等分道進擊大小十餘戰積級千六百
有奇猛別落參皆殪叅將鄧子龍擊斬罕虔於姚關應裏
趣鳳東寇姚關北據灣甸芒市會綖至軍軍大振鳳懼乃
令妻子及部曲來降綖責令獻金牌印符及蠻莫孟密地
乃以送鳳妻子還隴川爲名分兵趨沙木籠山據其險而
已馳入隴川境鳳度四面皆兵遂詣軍門降綖復率兵進
緬緬將先遁留少兵隴川綖攻之鳳子曩烏亦降綖乃攜
鳳父子往攻蠻莫乘勝掩擊賊窘縛緬人及象馬來獻蠻
莫平遂招撫孟養賊賊將乘象走追獲之復移師圍孟璉

生禽其魁雲南平獻俘於朝帝爲告謝郊廟受百官賀大學士申時行以下悉進官廕子縉亦進副總兵予世廕乃改孟密安撫司爲宣撫增設安撫二曰蠻莫曰耿馬長官司二曰孟璉曰孟養千戶所二一居姚關一居猛淋皆名之曰鎮安命縉以副總兵署臨元叅將移鎮蠻莫初鳳降本以計誘而巡撫世曾稱陣禽遂行獻俘禮敘功及閣部未幾緬人復大舉寇孟密孟密兵戰敗賊遂圍五章把總高國春率五百人援破賊數萬連摧六營爲西南戰功第一進官世廕副千戶縉亦優敘蠻莫設安撫以土官思順有功特授之縉納其重賄又縱部將謝世祿等淫虐思順

大怒縱將家子父顯部曲多健兒縱擁以自雄征緬之役
勒兵金沙江築將臺於王驥故趾威名甚盛然性貪御下
無法兵還至騰衝甲而譟焚民居縱在蠻莫聞之馳至犒
以金錢始定思順恐禍及叛歸莽酋詔革縱任以遊擊候
調無何羅雄變起羅雄者曲靖屬州也者氏世爲知州嘉
靖時者濬嗣職殺營長而奪其妻生子繼榮濬年老無他
子繼榮得襲職遂弑濬妖僧王道張道以繼榮有異相奉
爲主用符術鍊丁甲煽聚徒黨獨外弟隆有義不從十三
年冬繼榮分黨四剽廣西師宗陸涼諸府州咸被患巡撫
劉世曾檄調漢土軍屬監司程正誼鄭璧等分禦之會縱

解官至霑益世曾喜令與裨將劉紹桂萬鏊分道討緝直
搗繼榮寨拔之獲其妻妾數人繼榮逸去緝連克三砦斬
王道張道追亡至阿拜江隆有義部卒斬繼榮首以獻賊
盡平時首功止五十餘級而撫降者萬餘人論者稱其不
妄殺初緝破繼榮有論其私財物者功不錄世曾爲辨誣
乃賜白金尋用爲廣西叅將移四川二十年召授五軍三
營叅將會朝鮮用師緝請率川兵五千赴援詔以副總兵
從征至則倭已棄王京遁緝趨尙州烏嶺嶺亘七十里峭
壁通一線倭拒險別將查大受祖承訓等間道踰槐山出
烏嶺後倭大驚遂移駐金山浦緝及承訓等進屯大邱忠

州以金羅水兵布釜山海口朝鮮畧定未幾倭遣小西飛
納款遂犯咸安晉州逼全羅提督李如松急遣李平胡查
大受屯南原祖承訓李寧屯咸陽綖屯陝川扼之倭果分
犯諸將並有斬獲倭乃從釜山移西生浦送王子歸朝鮮
帝命撤如松大軍還止留綖及遊擊吳惟忠合七千六百
人分扼要口總督顧養謙力主盡撤綖惟忠亦先後還屬
播酋楊應龍作亂擢綖四川總兵官綖戍朝鮮二年勞甚
覲勘功優敘乃賄御史宋興祖興祖以聞法當褫部議綖
功多請盡革雲南所加功級以副總兵鎮四川尋以應龍
輸款而青海寇數擾邊特設臨洮總兵官移綖任之二十

四年三月火落赤真相昆都魯歹成他卜囊等掠番窺內地
縉部將周國柱等擊之莽刺川腦斬首百三十有奇獲
馬牛雜畜二萬計帝爲告郊廟宣捷縉等進秩予廕有差
明年五月朝鮮再用師詔縉充禦倭總兵官提督漢土兵
赴討又明年二月抵朝鮮則楊鎬李如梅已敗經畧邢玠
乃分軍爲三中董一元東麻貴西則縉而陳璘專將水兵
縉營水源倭亦分三路西行長據順天壕砦深固縉欲誘
執之遣使請與期會使者三反縉皆單騎俟道中行長覘
知之乃信期以八月朔定約至期縉部卒洩其謀行長大
驚逸去縉進攻失利監軍參政王士琦怒縛其中軍縉懼

力戰破之賊退不敢出諸將三道進紂挑戰破之驅賊入大城已賊聞平秀吉死將遲紂夜半攻奪栗林曳橋斬獲多石曼子引舟師救陳璘邀擊之海中行長遂棄順天乘小艘遁班師進紂都督同知世蔭千戶遂移師征楊應龍會四川總兵官萬鏊罷卽以紂代之時兵分八道川居其四川東又分爲二以綦江道最要令紂當之應龍熟紂才頗懼益兵守要害二十八年正月諸將克丁山銅鼓嚴村遂直搗楠木山羊簡臺三峒峒絕險賊將穆照等衆數萬連營諸將憚之紂分兵攻其三面大戰於李漢壩生禽其魁餘賊奔入峒乘勢克三關直搗峒前焚之賊多死盡克

三峒禽穆照及賊魁吳尙華是日綖督戰左持金右挺劒大呼曰用命者賞不用命者齒劒鬪死者四十人遂大捷應龍乃遣子朝棟惟棟及其黨楊珠統銳卒數萬由松坎魚渡羅古池三道並進綖伏萬人羅古待松坡賊以萬人伏營外待魚渡賊而別以一軍策應賊果至伏盡起綖率部下轉戰斬首數百追奔五十里賊聚守石虎關綖亦掘塹守初綖聞征播命逗遛多設難以要朝廷言官交劾議調南京右府僉書綖至是聞之卽辭任總督李化龍以平播非綖不可固留之力薦於朝綖乃復受事踰夜郎舊城攻克賊滴淚三坡瓦窰坪石虎諸隘直抵婁山關婁山萬

峯插天叢箐中一徑纔數尺賊設木關十三座排柵置深坑百險俱備縱分奇兵爲左右路間道趨關後而自督大軍仰攻奪其關追至永安莊兩路軍亦會縱老將持重慮賊衝突聯諸營一據婁山關爲老營一據白石口爲腰營一據永安莊爲前營都指揮王芬者勇而寡謀每戰輒請爲前鋒連勝有輕敵心獨營松門埡之衝距大營數里賊方有烏江之勝謀再奪婁山適穆照遣使洩芬孤軍狀賊乃襲殺芬守備陳大剛天全招討楊愈亦死失亡士卒二千人縱聞報率騎卒往救部將周以德周敦吉分兩翼夾攻賊始大奔追至養馬城而還是日應龍幾被獲乃不敢

窺婁山綖徽前失劄近闕堅壁且請濟師踰十餘日克復水圍營於冠子山尋會馬孔英吳廣諸軍逼海龍囤下與諸將共平賊綖功爲多初李化龍薦綖言官謂綖嘗納應龍賄宜奪官從軍部議謫爲事官戴罪辦賊綖德化龍使使齎玉帶一黃金百白金千投化龍家爲化龍父所叱投巡按御史崔景榮家亦如之化龍景榮並奏其事詔革綖任永不收錄沒其物於官已錄平播功進左都督世廕指揮使三十六年雲南阿克反起綖討賊總兵官未至賊已平寢前命四十年四川建昌猱亂命綖爲總兵官討之偕參政王之機分八道督諸將攻而已居中節制克桐槽沈

渣阿都厦卜越北諸砦大小五十六戰斬馘三千三百有
奇諸猱巢穴一空綖爲將數被黜抑性驕恣如故嘗拳毆
馬湖知府詹叔叔改調綖奪祿半年久之以軍政拾遺罷
歸四十六年帝念遼警召爲左府僉書明年二月經畧楊
鎬令綖及杜松李如栢馬林四路出師綖兵四萬由寬佃
副使康乾監之綖鎮蜀久好用蜀兵久待未至遂行而所
分道獨險遠重岡疊嶺馬不成列次深河連克牛毛馬家
二砦

大清兵五百守董鄂路聞綖軍至遂逆戰綖縱兵圍數重

大清兵衆寡不敵失二裨將傷五十人餘潰圍出綖已深入三

百里杜松軍覆猶不知復整衆進遇

大清兵綖引軍登阿布達里岡將布陣

大清兵亦登岡出其上而別以一軍趨綖西岡上軍自高馳下

奮擊綖軍綖殊死戰趨綖西者復從旁夾擊綖軍不能支

大清兵乘勢追擊遇綖後二營軍未及陳復爲

大清兵所乘遂大潰綖戰死養子劉招孫者最驍勇突圍手格

殺數人亦死士卒脫者無幾事聞帝遣中使祭陣亡將士

恤綖家綖於諸將中最驍勇平緬寇平羅雄平朝鮮倭平

播酋平猓大小數百戰威名震海內綖死舉朝大悚邊事

日難爲矣綖所用鑕鐵刀百二十斤馬上輪轉如飛天下

稱劉大刀天啓初贈少保世廕指揮僉事立祠曰表忠明
史本傳

胡海定字聖占南昌人萬厯舉人授樂平教諭崇禎間詔
舉賢良方正副使張有譽以海定名聞於朝授汜水知縣
會賊至乃約諸生王璧等決死戰計禽賊黨數十人斬之
亂遂定歲饑海定獨不奉催科檄以劾歸奉母避亂於德
興之海川

國朝順治乙酉十月

大兵克婺源逼海川海定賣卜走信州乞援於督府黃道周
道周壯之曰公致仕令耳竟如是耶酌之酒以師從海定

移家去海口三十里仲冬三日拜其母張氏曰兒去矣既大而兵定婺源海川師絕我糧道殘所置官屬將攻婺源

大清兵偵得之調精銳伏婺源城先期襲之遂潰海定及門人揭鼎皆被執不屈臨刑謂鼎曰生不聞南八男兒耶首既殊猶挺立鼎同死之

縣志

萬應奎字斗華南昌人萬厯舉人任翁源知縣遷常州通判以代覲入京吏部欲置前司理下考應奎爲代理櫻其怒遂左遷陝西苑馬寺監正久之調安化知縣天啓二年水西土目安邦彥等叛巡撫李樞巡按史永安被圍應奎請三里置一營五里立寨新撫王三善等遂以二萬人破